

REFERAT SAA- Sanarfinermut Avatangiisinullu Ataatsimiititaq d. 15-02-2021

Mødedato Mandag d. 15. februar 2021 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Pilersaarutininut tapiliussassat 2021-imi aallartinneqartussat.....	7
Aalajangiiffigisassat.....	11
Suliat Aningaasaqarnermut Inuussutissarsiornermullu Ataatsimiititamut.....	12
Pisortani ataatsimoorussamik ikuallaavik.....	13
Nuussuarmi Inuusuttunut inissianik Utoqqarnullu inissianik pilersaarummut qinnuteqaat.....	17
Sinerissap qanittuani aalisarneq pillugu immikkoortumut pilersaarut.....	23
Ittoqqortoormiit pillugit tamakiisumik pilersaarutissatut siunnersuut.....	27
Kommunimut pilersaarummut tapiliussaq 3A3-8 Ammassat, Nuuk.....	30
Kommunimut pilersaarummut tapiliussaq: 2B2-5, inuussutissarsiuqarfik Qeqertat.....	34
Angallannermut pilersaarutissatut siunnersuut, immikkoortoq 1: Pisuinnaat aamma cykkilertut, Nuuk.....	37
Kommunimut pilersaarut 2032.....	41
Taasariaqartut allat.....	45
Lukket.....	46
Lukket.....	47
Imaqarniliap akuerineqarnera.....	48

Punkt 0: Saqqaa

Ilaasortat

Justus Hansen (D), siulittaasoq.

Harald Bianco (IA)

Charlotte Pike (IA)

Mala Høy-Kúko (S)

Lund Kuko (S)

Beslutning

Ataatsimeeqataasut: Justus Hansen (D)

Oqarasuaatsikkut: Harald Bianco (IA), Charlotte Pike (IA), Lund Kuko (S) aamma Mala Høy Kuko (S)

Punkt 1: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt 2: Nalunaarutit

- 2a. siulittaasup nalunaarutai
- 2b. ingerlatsiviup nalunaarutai

Beslutning

- 2a. Soqanngilaq.
- 2b. Soqanngilaq.

Punkt 3: Ilisimatitsissutit

Soqanngilaq.

Punkt 03A: Pilersaarutitut tapiliussassat 2021-imi aallartinneqartussat

Beslutning

Ilisimatitsissut tusaatitut tiguneqarpoq.

Pilersaarutitut tapiliussassat 2021-imi aallartinneqartussat

Ilisimatitsissut

J.nr.: 16.03.01.01-P16-1-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Matumuuna ukiumi matumani 2021-mi kommunimut pilersaarutitut tapiliussassat suut aallartinneqassanersut ingerlatsivimmiit ilisimatitsissutigineqarpoq:

- 1D5-2 Nuummi Illorsuaq Timersortarfik, Nuuk
- 3A8-4 liminaq, Nuuk
- O10-1 Ikkatteq, Tasiilaq
- 3E1-2 Eqqakkanik passussineq, Nuuk
- 20A7-1 Aqqusinersuaq, Paamiut
- 2C2-3 Issortarfik, Nuuk

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Matumuuna kommunimut pilersaarutitut tapiliussaq sorleq ukiumi matumani aallartinneqarluni pilersaarutigineqarnersoq ingerlatsiviup ilisimatitsissutigivaa:

1D5-2 Nuummi Illorsuaq Timersortarfik, Nuuk

Nuummi Illorsuaq Timersortarfiup allineqarnissaa/ nutarterneqarnissaa kommunalbestyrelsip tapersersorniarlugu aalajangiiffigereermagu, kommunimut pilersaarummut tapiliussaq suliaralugu aallartinneqassaaq. Pilersaarusiornermut tapiliussap illussanik titartaasartut pilersaarusiortussat qanimut suleqatigalugit ingerlanneqarnissaa naatsorsuutigineqarpoq, pilersaarusiap akuersissutigineqaqqammersup suliarineqarnissaa qulakkeerniarlugu.

Immikkoortup ilaa ullumikkut sunngiffimmi sammisassaqarfinnut siunertanullu sunngiffimmut tunngasunut atugassiisutaareerpoq. Siunertat taakkua kommunimut pilersaarummut tapiliussami matumani aalajangiusimaneqarput.

Pilersaarutissaq 2021-p aallartinnerani aallartinneqassaaq

3A8-4 liminaq, Nuuk

Ukiup siuliani kommunimi attassinnaasumik sanaartorneqarnissaanik atortussanik qulakkeerisoqarnissaanik kommunalbestyrelsip anguniagaa Ingerlatsiviup suliaraa. Tassunga ilanngullugu liminap avannaatungaanut tunngatillugu pilersaarummut tapiliussamik suliaqartoqarpoq, tamaani ilaqutariinnut ataatsinut illuliassanik sanaartorfissanik immikkoortitsisoqarluni. Pilersaarummut tapiliussami aaqqiissutissanik attassinnaasunik suliaqarnissamat sukannernerusunik aalajangersagartaqassaaq.

Pilersaarutissaq 2021-p aallartinnerani aallartinneqassaaq

O10-1 Ikkatteq, Tasiilaq

Nuummi soqutigisallit akuersaarniarlugit Ikkattimut tunngatillugu pilersaarummut tapiliussamik attassiinnartussamik Ingerlatsivik suliaqassaaq. Pilersaarummi qulakkeerneqassaaq sumiiffiup

ornikkuminartutut piginnarneqarnissaa aammalu atortuni, takornariaqarnermut tunngasunik il. il. periarfissaqartitsisunik pilersitsisoqarnissaanik ikorfartuutaasussanik.
Pilersaarut 2021-p aallartinnerani aallartinneqassaaq

3E1-2 Eqqakkanik passussineq, Nuuk

Ataatsimoortumik pisortat eqqakkanik passussisarfissaannik pilersitsinissamut atatillugu, immikkoortup ilaani pioreersumi nutaamik sanaartorfissamik immikkoortitsisoqassaaq. Tassunga atatillugu pilersaarusionermut tapiliussamik suliaqartoqassaaq.
Nutaamik pilersaarusionerq 2021-p aallartinnerani aallartinneqassaaq.

20A7-1 Aqqusinersuaq, Paamiut

Paamiuni inissialiorqarnissaanik kommunalbestyrelsip aalajangenera piviusunngortinniarlugu, pilersaarummut tapiliussamik nutaamik suliaqartoqassaaq. Illoqarfiup qeqqata nukittorsarneqarnissaa illoqarfiup periusissiorfigineranut pilersaarusionerfigineranullu naapertuuttuusooq nalilerneqarpoq. Immikkoortup ilaa inissialiorfissatut immikkoorteriigaavoq, taamaattumillu siunertat pioreersut eqiteriffigineqarnissaat pineqarpoq.
Pilersaarutissaq 2021-p aallartinnerani aallartinneqassaaq

2C2-3 Issortarfik, Nuuk

Nunatat inuussutissarsiorfiusussat noqqaassutigineqarput - oqimaatsunut mikinerusullu, niuertarfiit allallumi eqqarsaatigalugit. Issortarfimmi qitiusoqarfiup pioreersup eqqaa piffissani pilersaarusionerfiusuni allani eqiteriffissatut toqqarneqareernikuuvoq. Maanna piffissanngortoq immikkualuttumik pilersaarusionerfiginissaa, tassuunakkut inuussutissarsiuteqarfinnik mingutsitsisuunngitsunik inissianillu sanaartortoqarsinnaaleqqullugu ingerlatsiviup nalilerpaa. Suliaq 2021-ip aallartinnerani aallartinneqassaaq

Aaqqiissutissatut siunnersuut – suliatigut naliliineq

Suliassatut eqqarsaatigineqartoq kommunip ineriartortinneqarnissaanik kissaatigineqartumut ataqatigiissuusooq ingerlatsivimmit nalilerneqarpoq. Nutaanik inuussutissarsiutit periarfissaqalernerat, inissiaqalernissaa peqatigitillugulu illoqarfiup oqaluttuassartaanik qulakkeerinikkut.

Aningaasatigut sulisoqarnikkullu naliliinerit

Pilersaarutininik suliaqarneq aningaasatigut sunniuteqarnaviangilaq ingerlatsiviullu suliassaqrarfiisa ilarluiinnaattut isigineqarpoq.

Inatsisitigut tunngavissaq allakkallu tunngaviusumik uppernarsaatitallit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersooq aamma
- Inatsisartut inatsisissaat nr. 34, 9. december 2015-imeersooq
- Kommunimut pilersaarut digitaliusooq www.sermersooq2028.gl

Ingerlariaqqinnissaq

Kommunimut pilersaarutininut tapiliussat taakkua pingasut 2021-p aallartinnerani aamma naanerani aallartinneqassapput, naatsorsuutigineqarporlu ukiup ingerlanerani aamma 2022-p ingerlanerani akuersissutigineqarnissaat.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussanik suliat naammassineqareerpata, taakkua tamanut saqqummiunneqassapput, innuttaasut siunnersuutininut isumaat tusarniarlugu.

Ingerlatsivinnit allaniit oqaaseqaatigineqartut
Oqaaseqaateqartitsisoqanngilaq.

Ilangussat
Soqanngilaq.

Punkt 4: Aalajangiiffisassat

Soqanngilaq.

Beslutning

Soqanngilaq.

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Pisortani ataatsimoorussamik ikuallaavik

Beslutning

Inassuteqaat akuersissutigineqarpoq.

Bilag

Piffissami 2021-mit 2025-mut inuussutissarsiutigut ineriartornermut pilersaarummut tunngasumik allakkiaq

Pisortani ataatsimoorussamik ikuallaavik

Nuummi inissiinissaq

Aalajangiiffigisassaq

J.nr.: EMN-2019-01436

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Pisortani ataatsimoorussamik nutaaliaasumik ikuallaavittaarnissamut atatillugu, ingerlatsiviup ESANI A/S suleqatigalugu inissiiffiususaaq nalilersoqqissimavaa. Pissutsit assigiinngitsut ataani erseqqissaatigineqartut pissutigalugit, ikuallaavik nutaaq maannakkut ikuallaaviup eqqannguani inissinneqarsinnaassappat, aaqqiissutissatut pitsaanerpaajussaaq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- pisortani ataatsimoorussamik ikuallaaviup siunissami inissiffissaa tunngaviatigut akuersissutigineqassasoq
- aalajangiussaaq akuersissutigineqartoq Aningaasaqarnermut Inuussutissarsionermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Nutaaliaasumik pisortani ataatsimoorussamik ikuallaavittaarnermut atatillugu, ingerlatsiviup ESANI A/S suleqatigalugu inissiiffiususaaq nalilersoqqissimavaa. Pissutsit assigiinngitsut pissutigalugit, ataani erseqqissatigineqartut, ikuallaavik nutaaq, maannakkut ikuallaaviup eqqannguani inissinneqarsinnaassappat, aaqqiissutissatut pitsaanerpaajussaaq.

1. Nunatat inuussutissarsiuteqarfiit. Isuliffimmi umiatsiat containerillu kommunip inissiiffigitittagaaniittut nuutinnerisigut, inuussutissarsiorfinnut m2-erpaaluit atugassiissutaasinnaapput. Isuliffimmi toqqaviit sanaartorfissagissarneqareerput, taamaattumillu ingerlatsiviup nalilerpaa, inissiiffiusartumik allamut, suli innaallagissamut, imermut kiassanermullu tunngatillugu sanaartorfissagissagaanngitsumut, nuutitsineq kommunimut iluaqutaanerussasoq.
2. Kommunip inuussutissarsiuteqarfiit attassinnaasumik nukissiuuteqartinnissaat qulakkiissavaa, tassami ungasianiit kiassarneq pioreersoq pitsaanerpaamik atornerqareermat aammalu Kangerluarsunnguamiit pilersuinerup ikuallaavimmit nutaamiit sinneruttumik avatangiisinut mingutsitsinnginnerusumik nukissiuutiliorfiusumit pilersueqataatinnissaa eqqarsaatigineqarmat.
3. Sanaartorfissagissaanissamut tunngatillugu pilersaarutit kommunip naleqqussarsinnaavai, taamaasillutik taakkua atuutilersinneqarsinnaammata inuussutissarsiuteqartut toqqavinnik sanaartorfissagaareersunik noqqaaneri ilutigalugit.

4. Kommuni inuussutissarsiuteqarfinnut nutaanut toqqavinnik sanaartorfissagissaanermut aningaasartuutai inuussutissarsiornermut ineriartortitsineq ilutigalugu pisassapput. Taamaalilluni sanaartorfissagissaasarnermut tunngatillugu kommunip aningaasanik pisariaqartitsinera annikillisinneqassaaq.
5. Ikuallaavimmi pioreersumi atortut pigineqareersut aannertunerusumik atorneqalersinnaapput, ikuallaaviup nutaap attassinnaasup atorneqaleriartornera ilutigalugu.

Aaqqiissutissatut siunnersuut – suliatiqut naliliineq

Ikuallaaviup pioreersup eqqaani inissiinerup kingunerissavaa kommunip ataqatigiissumik inuussutissarsiuteqarfinnik ineriartortitseqqinnissaa, kommunimut pilersaarutissami Qeqertaniit pinerluuteqarsimasunik isertitsiviup tungaanut isorartutigisumiittussami. Anguniarneqartoq tassaavoq, illoqarfimmi angallassitutit oqimaatsut ilarpasui tamassuma iluaniitinneqarsinnaanissaat, tamatumalu kingunerissallugu pitsaanersumik illoqarfimmi inuuneqarneq, aqquserngit nungullajanninneruneri aammalu minnerunngitsumik illoqarfimmi inuussutissarsiuteqarfiit ataqatigiinnerulernissaat.

Ikuallaavik nutaaliaasooq attassisinnaasunngorlugu ingerlanneqassappat avatangiisinut tunngasunik piomasaaqatit sukannersunik naammassinnissinnaasariaqarpoq. Avatangiisinut tunngatillugu piomasaaqatit makkua qulakkeerneqassapput:

1. Ikuallaavimmit (putsumik gasilimmik) aniatitsinerit EU-mi aniatitsinermut piomasaaqatit naapertorlugit nakkutigineqartussaapput. Ima isumaqarluni ikuallaavimmit pujoq tassaassaaq silaannarmut agguaqatigiissillugu mingutsitsinnginnerusussaavoq.
2. Ikuallaavimmit tipiliortoqassanngilaq, tassami eqqakkanik passussineq inini matoqqasuni ingerlanneqartassamat, taakkunani ataavartumik naqitsineq atorneqassalluni. Eqqakkanik katersuuffinni silaannaq aniatinneqartoq ikuallaanerup ingerlanneqarnerani atorneqartassaaq.

Ikuallaaviit nutaaliaasut attanneqarsinnaasumillu ingerlatsisut Danmarkimi amerlanertigut inuussutissarsiuteqarfiit angisuut imaluunniit inissiaqarfiit eqqannguanni inissisimasarput, taamaasilluni kissaq ikuallaavinnit pilersinneqartoq inissianut suliffeqarfinnullu eqqaaniittunut atorluarneqarsinnaaqqullugu.

Pilersaarusiornermi piffissalersuinissaq eqqarsaatigalugu inuussutissarsiuteqarfissanut nunatanik sanaartorfissagissakkanik suli amerlanerusunik atugassiisoqarsinnaavoq, ullumikkut tamakkiisumik atorneqanngitsunik. Tamanna pissaaq Qeqertani kommunip inissiiffigisartagaasa nuutinnerisigut, pilersaarummi atuuttumi kommunimut imaluunniit kommunip 100%-imik suliffeqarfiutaasa ilaannut atugassiissutaasumi. Isumaqatigiissutit inuussutissarsiuteqarfinnut imaluunniit inissiiffissatut siunertanut immikkoortinneqarput.

Immikkoortup ilaa maannakkut ikuallaaviup inissiffissatut immikkoortinneqartoq, siunertanut immikkoorteriigaavoq, taamaattumillu nutaamik sanaartorfissaliisoqartariaqarpoq. Taamaaliornikkut minnerunngitsumik ikuallaaviup pioreersup nutaamik sanasoqarnerata nalaani atorsinnaanera qulakkeerneqassaaq.

Aningaasatigut sulisoqarnikkullu naliliinerit
Atortussat ilanngussat innersuussutigalugit.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

2021-ip aallartisimalernerani kommunimut pilersaarummut tapiliussamik nutaamik suliaqartoqassaaq, tassuunakkut pilersaarusiornermi inatsisitigut sinaakkutissat periarfissalernerneqassallutik. Taanna 2021-imi kvartalit aappaanni politikikkut suliarineqarnissaa naatsorsuutigineqarpoq.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaqaq sapaatip-akunnerini arfinilinni tamanut tusarniaassutigineqassaaq, tamannalu Nuuk Ugeaviisimi nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Ilanngussat

1. Piffissami 2021-mit 2025-mut inuussutissarsiutigut ineriartornermut pilersaarummut tunngasumik allakkiaq.

Punkt 05B: Nuussuarmi Inuusuttunut inissianik Utoqqarnullu inissianik pilersaarummut qinnuteqaat

Beslutning

Inassuteqaat akuersissutigineqarpoq.

Bilag

Tusarniaassummut akissuteqaatinik takkuttunik suliarinninneq

Tusarniaanermi akissutit tiguneqartut

Ilanngussat ilanngullugit pilersaarummut qinnuteqaat

Inatsisartut inatsisaat nr. 34, 9. december 2015-imeersoq

Qulakkeerinninniarnermi najoqqutassiaq Sanarfinermut Avatangiisinullu Ingerlatsivimmit suliarineqartoq

Inibyq Aps-imit pilersaarutitut siunnersuummik nalilersuinermit immersugaq

Immikkoortup ilaani 3C2-mi nutaamik oqaluffiliornissaq pillugu ataatsimiinnermit imaqarniliaq

Pilersaarutitut siunnersuut alla, ilanngussartalik Nuuk City Invest Aps-imeersoq

Nuuk City Invest ApS-imit pilersaarutitut siunnersuummik nalilersuinermit immersugaq

Nuussuarmi Inuusuttunut inissianik Utoqqarnullu inissianik pilersaarummut qinnuteqaat

Inaarutaasumik akuersissutiginninneq

Aalajangiiffigisassaq

J.nr.: ANL-2020-00012

Sanarfinermut Avatangiisinullu Ingerlatsivik – Pisortaq Hans Henrik Winther Johansen / HHWJ

Suliassamik eqikkaaneq

Nuussuarmi Inuusuttunut inissianik Utoqqarnullu inissianik pilersaarummut qinnuteqaat kommunalbestyrelsip ulloq septembarip aallaqqaataani 2020-mi ataatsimiinnermini tamanut tusarniutigisassanngorlugu akuersissutigigaa. Pilersaarutitut siunnersuut sapaatip akunnerini arfineq pingasuni piffissami septembarip 9-ani 2020-miit novembarip 4-ni 2020 tikillugu tamanut tusarniutigineqareerpoq.

Pilersaarutitut siunnersuut Inibyg-imit qinnuteqaataavoq, taannalu immikkoortup ilaani 3C2-mi aamma 3C5-imi inuusuttunut inissianik 120-nik kiisalu immikkoortup ilaani 3D1-imi utoqqarnut inissianik 65-inik sanaartorusuppoq. Tamatuma saniatigut qinnuteqartup aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqqutaa, Nuussuaq aamma Siaqqinneq atassuserlugit kaajallattarialiornissani kissaatigalugu.

Tusarniuteqartoqarani tusarniummut akissutit tallimat kiisalu allatut siunnersuut ataaseq tiguneqarput. Tamatuma saniatigut ingerlatsivik Biskorpeqarfimmik, Qeqqani/Tunumi Provstinik kiisalu Ilinniartitaanermut, Kultureqarnermut Ilageeqarnermullu Naalakkersuisoqarfimmik ataatsimeeqateqarpoq, immikkoortup ilaani 3C2-mi oqaluffiliornissamut pilersaarutit nassuiaassutiginiarlugit, ullumikkummi immikkoortoq oqaluffeqarnermut siunertanut atugassanngortitaammat.

Tusarniummut akissutit, allatut pilersaarummut siunnersuut imaluunniit immikkoortup ilaani 3C2-mi nutaamik oqaluffiliornissaq pillugu ataatsimeeqateqarneq annertuumik allannguinnissamut sillimaffigisassaqaarnissamulluunniit pissutissiingillat.

Ingerlatsiviup pingaarnertut nalilerpaa, pilersaarutitut siunnersuut kommunillu pingaarnertut pilersaarutaanut periusissaanullu kiisalu kommunip illuliortaatsimut politikianut naapertuulluortoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- pilersaarusiornissamut qinnuteqaat akuerineqassasoq
- pilersaarummut siunnersuut suliameqallu tunngatillugu ingerlariaqqinnissaq akuersissutigineqartoq Aningaasaqarnermut Inuusutissarsiornermullu Ataatsimiititamut akuersissutigisassanngorlugit kiisalu Kommunalbestyrelsimut inaarutaasumik akuersissutigisassanngorlugit ingerlateqqinneqassasut

Suliassamik saqqummiussineq

Nuussuarmi Inuusuttunut inissianik Utoqqarnullu inissianik pilersaarummut qinnuteqaat kommunalbestyrelsip ulloq septembarip aallaqqaataani 2020-mi ataatsimiinnermini tamanut

tusarniutigisassanngorlugu akuersissutigigaa. Pilersaarutitut siunnersuut sapaatip akunnerini arfineq pingasuni piffissami septembarip 9-ani 2020-miit novembarip 4-ni 2020 tikillugu tamanut tusarniutigineqareerpoq.

Pilersaarutit siunnersuut Inibyg-imit qinnuteqaataavoq, taannalu immikkoortup ilaani 3C2-mi aamma 3C5-imi inuusuttunut inissianik 120-nik kiisalu immikkoortup ilaani 3D1-imi utoqqarnut inissianik 65-inik sanaartorusuppoq. Tamatuma saniatigut qinnuteqartup aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqqutaa, Nuussuaq aamma Siaqqinneq atassuserlugit kaajallattarialiornissani kissaatigalugu. Pilersaarummut siunnersuut tamarmi ilanngussaq 3-mi takuneqarsinnaavoq.

Tusarniuteqartoqarani tusarniummut akissutit tallimat kiisalu allatut siunnersuut ataaseq tiguneqarput. Tamatuma saniatigut ingerlatsivik Biskorpeqarfimmik, Qeqqani/Tunumi Provstinik kiisalu Ilinniartitaanermut, Kultureqarnermut Ilageeqarnermullu Naalakkersuisoqarfimmik ataatsimeeqateqarpoq, immikkoortup ilaani 3C2-mi oqaluffiliornissamut pilersaarutit nassuiaassutiginiarlugit, ullumikkummi immikkoortoq oqaluffeqarnermut siunertanut atugassanngortitaammat.

Tusarniummut akissutit, allatut pilersaarummut siunnersuut imaluunniit immikkoortup ilaani 3C2-mi nutaamik oqaluffiliornissaq pillugu ataatsimeeqateqarneq annertuumik allannguinnissamut sillimaffigisassaqarnissamulluunniit pissutissiingillat.

Immikkoortup ilaani 3C2- oqaluffik pillugu ataatsimiinneq

Biskorpeqarfimmik, Qeqqani/Tunumi Provstinik kiisalu Ilinniartitaanermut, Kultureqarnermut Ilageeqarnermullu Naalakkersuisoqarfimmik ataatsimeeqateqarnermi, sinniisuutitaasut immikkoortup ilaani 3C2-mi siulliusussaataitanertik atorunnaarsippaat, ukiunimi ukiorpaalunni tulliuuttuni nutaamik oqaluffiliornissaq piviusorsiusagaanni akissaqartinneqanngilaq. U. 9.12.2020-mi ataatsimiinnermi imaqarniliaq suliassamik saqqummiussinermi ilanngussaq 7-itut ilanngunneqarpoq.

Siorarsiorfimmi immaqaluunniit illoqarfiup ilaani allami inissiffissaqqissorsiorinissaq suleqatigiissutigilluarneqarumaartoq ataatsimiinnermi ingerlatsivimmit oqariartuutigineqarpoq.

Pilersaarutitut siunnersuut alla

Nuuk City Invest tusarniaanerup ingerlanerani pilersaarutitut siunnersuummik allamik nassiussivoq, "Nuussuaq – inissiaqarfik". Pilersaarummik qinnuteqartup kissaatigaa, Nuussuarmi immikkoortup ilaani 3C2-mi, 3C5-imi aamma 2D3-mi ilinniartunut kisimiittunut/aappariinnut, ilaqutariinnut aamma utoqqarnut 94-inik inissialiornissaq, ininik ataatsimoorfissanik ilallit. Pilersaarutitut siunnersuut 10.000 m2 tamakkiusumik annertussuseqarpoq. Qinnuteqartorlu silami nunaminertamik ineqartunut, Nuummilu innuttaasunut tamanut, timigissarnermut sammisassaqartitsinernullu atorneqarsinnaasumik pilersitsinissamik kissaateqarpoq. Tamatuma saniatigut qinnuteqartup aqqusineq Siaqqinneq allanngortinnissaa kissaatigaa aqquserngillu Peter Thorup Høeghip Aqqutaa, Nuussuaq aamma Siaqqinneq atassuserlugit kaajallattarialiornissani kissaatigalugu. Pilersaarutitut siunnersuut tamakkerlugu ilanngussaq 8-mi takuneqarsinnaavoq.

Sumiiffimmut pineqartumut assinganik siunertaqartumik siornatigut qinnuteqarnikuuvoq, ingerlatsivimmiilli inassuteqaat tunngavigalugu ataatsimiititap aalajangernikuullugu tamanut

tusarniutigineqassanngitsoq. Ingerlatsiviup siornatigut pilersaarummut qinnuteqaammut immikkoortut isornartissimasai pilersaarutit qinnuteqaammut iluarsisamut ilanngunneqarsimapput, matumuunalu pilersaarutit qinnuteqaat nutaatut nassiunneqarluni.

Ingerlatsiviup qulakkeerinninniarnermi najoqqutassiaa nalilersuinermilu immersugassaq malillugit Inibygimiit pilersaarutit siunnersuut alla kinaassusersiunngitsunik piviusorsiorlumillu piumasaqaatit naapertorlugit ingerlatsivimmit nalilersorneqareerpoq. Pilersaarutit marluusut nalilersorneqarnerat ilanngussani 6-imi aamma 9-mi atuarneqarsinnaapput. Matuma kinguliini pilersaarutit sanilliunneqarnerat ingerlatsiviullu pilersaarutit pitsaanerpaatut naliliinera pineqarput.

Pilersaarutit siunnersuutit sanilliunneqarnerat:

A: Inibyg inuusuttunut inissianik 120-nik utoqqarnullu inissianik 65-inik kiisalu illu ataatsimoortarfissaq ataatsimut katillugu 13.700 m² sanaartornissamik kissaateqarpoq.

B: Nuuk City Invest ilinniartunut kisimiittunut/aappariinnut, ilaqutariinnut aamma utoqqarnut 94-inik inissialiornissaq, ininik ataatsimoorfissanik ilallit ataatsimut katillugu 10.000 m² sanaartornissamik kissaateqarpoq.

A+B: Pilersaarutit siunnersuutit marluullutik immikkoortut ilaani 3C2-mi 3C5-imilu illoqarfiup qeqqani siunertanut atugassiani inissisimapput. Inibygip utoqqarnut inissiat immikkoortup ilaani 3D1-imiitippai aamma Nuuk City Investip immikkoortup ilaani 2D3-mi inissiat arlallit inississimallugit. Immikkoortup ilai 3D1 aamma 2D3 sukisaarsaarfissatut illoqannginnersassatullu atugassiannngortitaapput. Taamaattorli ingerlatsivimmit nalilerneqarluni, sukisaarsaarfissat pilersaarutinit marluusunit allanngortinneqassanngitsut.

Ataqatigiinnissaannut tunngasut

A: Sanaartukkat tassaapput illut takisuut assigiimmik sivinganilimmik qaliallit assigiinngitsunik takissusillit 2-nik, 3-nik 4-nillu quleriaartut. Pilersaarutit siunnersuummi sanaartukkat pioresut sannai angissusiilu malillugit sanaartortoqassaaq.

B: Nuuk City Investimit pilersaarutit siunnersuummi pineqarluni 3-nik 5-inillu (6) quleriilinnik sanaartorneq. Sanaartukkat ilusiligaanerat illuinnaanullu sivingasunik qaliaqarnerat immikkuullarissuliaapput, sanaartugaareersunullu assingusuliaanatik.

Nunaminertat illoqannginnersat

A: Inibygimiit pilersaarutit siunnersuummi nunatamut naapertuuttumik sanaartukkat inissitaapput, silami periarfissat nassuarluagaallutik aamma inissiaqarfiup nunaminertaa ersarissumik nalunaaqutsersugaalluni. Taamatullu aamma illut akornanni silami periarfissat assigiinngisitaartuupput, sammisassanullu assigiinngitsunut aamma inuit naapeqatigiiffiginnaasaannik periarfissaqarluni. Avatangiisini periarfissatsialaat aamma tassaallutik sammisassaqaarneq, soorlu immikkoortup ilaani 3C2-mi qaqqap qaavaniit isikkivik aamma immikkoortup ilaani 3D1-imi tatsimi ikaartarfik.

B: Nuuk City Investimit pilersaarutit siunnersuummi sanaartukkat aqquuserngup killingani innaarsuttamut inissinneqarsimapput, silamiiffissallu illoqarfiup sinneranut atassuserneqarsimallutik. Inissiaqarfimmut immikkoortumik avannaatungaaniit kangiatungaaniillu aqquteqarnissaa kiisalu aqqusinermi pingaarnermi angallattut ersarissumik

immikkooruteqarnissaat amigaataavoq. Inissiaqarfimmut apuuffissaq tassanngaannartumik pinissaa takorloornarpoq.

Qoorortami qorsooqqinnersami inissiat immikkut tamarmik salliarnartalersukkani aneerfissatut fitnessertarfilersukkanik pinnguartarfilersukkanillu ataatsimoorfissalersorneqarsimapput. Taakkulu assigiiaarpallaartutut isikkoqassapput, timersorusuttuniillu pinnguarusuttuniillu kisimi atorneqarsinnaassallutik. Silami assigiinngisitaartuutitsineq aamma eqqissilluni oqaloqatigeerujoorlunilu uninngaarfiusinnaasut pilersaarummi amigaataapput.

Inuiaqatigiinnut (illoqarfimmiunut) tunniussaq

A: Taamatuttaaq immikkoortumi najugaqartunut kiffartuussivik tamanut ammasumik cafertalik sammisassaqartitsivik pilersinneqassaaq.

B: Nuuk City Investip pilersaarutitut siunnersuutaani sammisassaqartitsivimmut atatillugu silami fitnessertarfeqarpoq.

A+B: Pilersaarutitut siunnersuutini tamarmik marluullutik kissaatigaat, aqqusineq Siaqqinneq allangortinneqarnissaa aqquserngillu Peter Thorup Høeghip Aqqutaa, Nuussuaq aamma Siaqqinneq kaajallattariamik ataqatigiilersinneqarnissaat, taamalu immikkoortumi angallanneq pitsaanerulersinneqarluni.

Pilersaarutitut siunnersuutit ataatsimut nalilersorneqarnerat

Pilersaarutitut siunnersuut Inibygimeersoq ataatsimut isigalugu iluarisimaarnarnerullunilu eqqarsaatigilluagaavoq. Pilersaarummi pineqartut ulluinnarni atugassarititaasut eqqumaffigalugit ilanngunneqarsimapput, sumiiffimmilu pitsaaqutit siunnersuummi atorluarneqarsimallutik. Ingerlatsiviup nalilerpaa, Inibygip pilersaarutitut siunnersuusaa illoqarfimmut Nuummiunullu iluaqutaanerussasoq, pilersaarutitullu siunnersuutini tiguneqartuni pitsaanerpaajusoq.

Aaqqiissutissatut siunnersuut – suliatigut naliliineq

Immikkoortuni eqiterisoqarsinnaasoq ingerlatsivimmit pingaarnertut naliliisoqarpoq, Inibygip pilersaarutitut siunnersuutaanisut Nuummi taama amigaatigineqartigisut soqutiginnittoq inuusuttunut inissianik utoqqarnullu inissianik sanaartorumasooq assut pitsaasuvoq. Tamatuma saniatigut aqqusinermi angallattut allangortinneqarnissaat taamalu immikkoortumi angallattunut pitsanngorsaaneq tamanullu isumannaallisaaneq pitsaasuvoq. Ingerlatsivik annikitsunik ataasiakkaanik pilersaarummut siunnersuummut immikkoortunik isornartorsiuutissaqarpoq, taamaattorli kommunip pingaarnertut pilersaarutaanut kiisalu kommunip illuliortaatsimut politikkianut naapertuuttuusoq ingerlatsiviup nalilerlugu.

Aningaasatigut sulisoqarnikkullu naliliinerit

Pilersaarummut tunngaviusunut kiisalu sanaartornermut, tassungalu ilanngullugu aqquserngup allanguivigineqarneranut atatillugu aningaasartuutit soqutigisallip tamaasa nammineq isumagissavai.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaa nr. 34, 9. december 2015-imeersoq

- Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarusionermut Inatsisip allanngortinnerata nutaap ingerlanera ima nassuiarneqarsinnaavoq: Kommunalbestyrelsip maanna isummerfigissavaa, pilersaarummut nunaminertamik atugassiisoqassanersoq, atugassiisoqassappallu ukiut marluk tikillugit atuutissaaq. Pilersaarummik piginnittuusooq ukiut marluk ingerlanerini kommunimut pilersaarummut tapiliussaliaq naammassereersimassavaa. Kommunimut pilersaarummut tapiliussaliaq inaarutaasumik akuersissutigineqareerpat, nunaminertamik atuinissamut akuersissuteqartoqassaaq, kingornagullu sanaartornissamut akuersissuteqartoqarluni.

Kommunalbestyrelsip nalilerpagu, Nuuk City Investimit pilersaarutitut siunnersuut tiguneqarsimasooq pitsaanerusoq, ingerlatsiviup innersuussutigissavaa taanna sap. ak. 8-ni tamanut tusarniutigineqassasoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaatissaqanngilaq.

Innuttaasunik peqataatitsineq/attaveqaqatigiinneq

Tamatuma saniatigut pilersaarutitut siunnersuut Nuuk Ugeavis aammalu kommunip nittartagaa aqutugalugit saqqummiunneqarnikuuvoq, kiisalu atortussat pilersaarummut tunngassuteqartut tamanit pissarsiarineqariaannaasimallutik.

Tusarniaanerup ingerlanerani pilersaarut pillugu innuttaasunut kikkunnulluunniit Katuami ataatsimiititsisoqarpoq.

Ingerlatsivinnit allaniit oqaaseqaatigineqartut

Piniarneqanngilaq.

Ilanngussat

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit tiguneqartut
3. Ilanngussat ilanngullugit pilersaarummut qinnuteqaat
4. Inatsisartut inatsisaat nr. 34, 9. december 2015-imeersoq
5. Qulakkeerinninniarnermi najoqqutassiaq Sanarfinermut Avatangiisinullu Ingerlatsivimmit suliarineqartoq
6. Inibyg Aps-imit pilersaarutitut siunnersuummik nalilersuinermi immersugaq
7. Immikkoortup ilaani 3C2-mi nutaamik oqaluffiliornissaq pillugu ataatsimiinnermi imaqarniliaq
8. Pilersaarutitut siunnersuut alla, ilanngussartalik Nuuk City Invest Aps-imeersoq
9. Nuuk City Invest ApS-imit pilersaarutitut siunnersuummik nalilersuinermi immersugaq

Punkt 05C: Sinerissap qanittuani aalisarneq pillugu immikkoortumut pilersaarut

Beslutning

Inassuteqaat akuersissutigineqarpoq.

Bilag

Tusarniaanermut akissutitik suliaqarneq

Tusarniaanermi akissutit tiguneqartut

Sinerissap qanittuani aalisarneq pillugu immikkoortumut pilersaarut

Sinerissap qanittuani aalisarneq pillugu immikkoortumut pilersaarut

Umiatsiaararsorluni aalisarnermi tunngaviumik periarfissat

Aalajangiiffigisassaq

J.nr.: EMN-2019-00081

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sinerissap qanittuani aalisarneq pillugu immikkoortumut pilersaarut sapaatip akunnerini qulini tamanut tusarniutigineqarnikuuvoq. Tamatuma saniatigut sapaatip akunnerini sisamani kattuffinnut soqutigisaqatigiinnut tusarniutigineqarpoq, taakkununga ilaallutik KNAPK aamma NAPP. Piffissami tusarniaaffiusumi tusarniaanermut akissutit pingasut tiguneqarput, taakkulu aaqqissuisoqarfimmi oqaaseqatigiinnik annikitsunik allannguuteqartitsinermik kinguneqarput.

Sinerissap qanittuani aalisarneq pillugu immikkoortumut pilersaaruttip siunertaraa, kommunimi umiatsiaararsorluni aalisartut atortutigut atugarisaasa periarfissaasalu ersarissarneqarnissaat, tullinguullugulu kommunip atortorissaarutaasa periarfissaasalu pitsanngorsarneqarnissaat imaluunniit atorunnaarsikkiartuaartinnissaat. Taamaalilluni immikkoortumut pilersaarut qinikkat suliassaqarfimmut tunngatillugu aalajangernissaannut ineriartortitsinissaannullu sakkussaallunilu tunngavissaavoq.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiinik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersiuiinermi peqataatinneqarput. Tamanna pereermat kommunip sanaartugassanut missingersuutaanut ilanngullugit suliarineqassapput.

Inassuteqaatit

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- sinerissap qanittuani aalisarneq pillugu Immikkoortumut pilersaarut akuersissutigineqassasoq
- immikkoortumut pilersaarut Aningaasaqarnermut Inuussutissarsionermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Sinerissap qanittuani aalisarneq pillugu immikkoortumut pilersaaruttip siunertaraa, kommunimi umiatsiaararsorluni aalisartut atortutigut atugarisaasa periarfissaasalu ersarissarneqarnissaat, tullinguullugulu kommunip atortorissaarutaasa periarfissaasalu pitsanngorsarneqarnissaat imaluunniit atorunnaarsikkiartuaartinnissaat. Taamaalilluni immikkoortumut pilersaarut qinikkat suliassaqarfimmut tunngatillugu aalajangernissaannut ineriartortitsinissaannullu sakkussaallunilu tunngavissaavoq.

Immikkoortumut pilersaarut saqqummiunneqarpoq kommunimi illoqarfinni nunaqarfinnilu assigiinngitsuni periarfissarititaasunik misissuisitsineq tunngavigalugu. Tamanna maannakkut pissutsinik tamakkiisumik takussutissiivoq. Suliap ingerlanerani matumani soqutigisaqartut najukkani piniartut peqatigiiffiinik ataatsimeeqateqartarput, soqutigisaqartullumi aamma kissaatigisanik assigiinngitsunik pingaarnersiuinermi peqataatinneqarput. Tamanna pereermat kommunip sanaartugassanut missingersuutaanut ilanngullugit sularineqassapput.

Immikkoortumut pilersaarummi nalunaarsuinerit tunngavigalugit naalackersuinnikkut ataqatigiissaarisartoqatigiit suleqatigalugit kommunimi nunap immikkoortuini tamani suliniutissanik pingaarnersuiisoqarsimavoq. Taakkua nunaqarfinni aqutsisut assigiinngitsut immersuineri tunngavigalugit pitsanngorsaatisatut siunnersuutit pingaarnersiorlugit tullerriaarnerinik allattuisimapput.

Taamaalilluni immikkoortumut pilersaarutip imarivai pingaarnertut takorluukkat, pissutsit tunuliaqutaasut aammalu tamakkua qanoq ilillugit ineriartortinneqassanersut pillugit pilersaarut. Taamaalilluni immikkoortumut pilersaarut siunissami anguniagassanut, aningaasaliissuteqarnissanut, ingerlatsinerimut immaqalu piginnittuunermut tunngasunut tunngavissatut atorineqarsinnaavoq.

Aaqqiissutissatut siunnersuut – suliatigut naliliineq

Immikkoortumut pilersaarut sinerissap qanittuani aalisartut maannakkorpiaq atugarisaannik, suliniutillu suut atugarisanik pitsanngorsaaniissamut pingaarnersiorneqarsinnaanerinik ersersitsisuuvoq. Aamma pilersaarummi pitsanngorsaatisatut siunnersuutit arlallit qanoq akeqassanersut missiliuusiorneqarnikuuvoq. Taamaalilluni immikkoortumut pilersaarut qinikkat aalajangiinissaannut tunngaviusumik sakkussatut tuliullugulu missingersuusiornissamut atorineqassaaq.

Aningaasatigut sulisoqarnikkullu naliliinerit

Immikkoortumut pilersaarut ingerlatsiviup kommunimut pilersaarutininik ingerlatsinerisa ilagivaat, kontulu taanna annertunerusumik artukkerneqassanngilaq.

Inatsitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Umiarsualiviit pillugit Inatsisartut inatsisaat nr. 9, 3. juni 2015-imeersoq
- SIKUKI Nuuk Harbour A/S aamma Nuummi umiarsualiviliorneq pillugu Inatsisartut inatsisaat nr. 17, 3. juni 2015-imeersoq
- Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Immikkoortumut pilersaarut akuersissutigineqareersutut nalunaarutigineqassaaq, kommunillu nittartagaani aamma kommunimut pilersaarummi pissarsiarineqarsinnaanngortinneqassalluni.

Aningaasaqarnermut Allatseqarfimmit oqaaseqaatit

Oqaatigineqassaaq immikkoortumut pilersaarut suliassanik aningaasaliiffigineqartussanik kinguneqarsinnaammat. Erseqqissaatigineqassaaq, suliassaasinnaasunut maannakkorpiaq missingersuutitigut immikkoortitsisoqarnikuunngimmat, aammalu aningaasaliissuteqartoqassappat politikikkut immikkut isummertoqassammat.

Innuttaasunik peqataatitsineq/attaveqaqatigiinneq

Siunnersuutip suliarineranut atatillugu, aqutsisoqatigiinnik pilersitsisoqarpoq, assigiinngitsunik sulialinnik inuttaqartumik. Tamatuma kingornagut siunnersuut soqutigisallit assigiinngitsut iluanni tusarniaassutigineqarpoq, nunaqarfinni aqutsisut ilanngullugit.

Tamanut tusarniaassutigineqarnera Nuuk Ugeaviisikkut, Paamiuni Tasiilamilu allagarsiivitsigut, aammalu nunaqarfiit tamat allaffiisigut nalunaarutigineqarnikuuvoq. Aammattaaq kommunip nittartagaasigut nalunaarutigineqarnikuuvoq, kingullertullu tusarniutigineqarnerani sivitsuinikkut kattuffinnut soqutigisaqaaqatigiinnut nassiunneqarnikuulluni.

Ingerlatsivinnit allaniit oqaaseqaatigineqartut

Piniarneqanngilaq.

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Sinerissap qanittuani aalisarneq pillugu immikkoortumut pilersaarut

Punkt 05D: Ittoqqortoormiit pillugit tamakiisumik pilersaarutissatut siunnersuut

Beslutning

Inassuteqaat akuersissutigineqarpoq.

Bilag

Ittoqqortoormiit pillugit tamakkiisumik pilersaarut

Ittoqqortoormiit pillugit tamakkiisumik pilersaarutissatut siunnersuut

Aalajangiiffigisassaq

J.nr.: ANL-2020-00024

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

Suliassamik eqikkaaneq

Pilersaarusiornermi periusissaq P18, kommunimut pilersaarut Sermersooq2028, politikikkut akuersissutigineqartoq toqqammavigalugu Tasiilaq pillugu tamakkiisumik pilersaarusiarniqarpoq. Ittoqqortoormiini ineriartornermut qulequttamik akuersissuteqartoqanngilaq, kisianni Kommunimut pilersaarut allassimavoq illoqarfiup ineriartornissamut periarfissai nunaqqatigiillu *imminnut* napatissinnaanerit *misissorneqassasut*.

Aalajangersimasumik suliniutini pilersaarutip siunnersuutigaa, ilaatigut Ejnar Mikkelsenip eqqaassutissaata eqqaatigut appakkaaffissat uninngaarfissallu pitsaanerusut, illoqarfimmi issiaviit amerlanerit pingaartumillu pisuinnarnut angalaffissat pitsaanerusut pilersinneqassasut.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Ittoqqortoormiit pillugit tamakkiisumik pilersaarutissatut siunnersuut akuersissutigineqassasoq
- siunnersuutip akuersissutigineqartup tusarniaassutigineqarnissaa siunertaralugu aalajangiiffigisassatut Aningaasaqarnermut Inuussutissarsiornermullu Ataatsimiititamut ingerlateqqinneqassasoq, kiisalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Pilersaarusiornermi periusissaq P18, kommunimut pilersaarut Sermersooq2028, politikikkut akuersissutigineqartoq toqqammavigalugu Tasiilaq pillugu tamakkiisumik pilersaarusiarniqarpoq. Ittoqqortoormiini ineriartornermut qulequttamik akuersissuteqartoqanngilaq, kisianni Kommunimut pilersaarut allassimavoq illoqarfiup ineriartornissamut periarfissai nunaqqatigiillu *imminnut* napatissinnaanerit *misissorneqassasut*.

Inuuneq pitsaasoq ajunngitsumik tunngaveqartinniarlugit illoqarfimmi pitsaaqutinut pioreersunut nukittorsaaqataassalluni tamakkiisumik pilersaarutip siunertaraa. Illoqarfimmi katersuuttarfiit pioreersut tapersernissaat pilersaarummi anguniagaavoq. Ittoqqortoormiit najoruminartuujarnissaanut pitsanngorsaavigineqarlutillu nutarterneqassapput.

Ittoqqortoormiiniut tunngatillugu siunissami aningaasaqarnikkut pilersaarusiornermut atatillugu tamakkiisumik pilersaarut Najukkami Ataatsimiititaliamit kommunalbestyrelsimillu sakkussaavoq isumassarsiorfissaallunilu.

Aaqqiissutissatut siunnersuut – suliatigut naliliineq

Tamakkiisumik pilersaarummi suliniutinik maannakkut aallartinneqarsinnaasunik piffissallu ingerlanerani illoqarfimmi immikkoortuni ineriartuuteqarfiusinnaasunik siunnersuutinik imaqartoq ingerlatsivimmit nalilernerqarpoq. Taamaalilluni tamakkiisumik pilersaarummi aningaasaqarnikkut pissutsinik periarfissanillu assigiinngitsunik nikisititerisoqarnissaanik naleqqussaasunermik imaqarpoq.

Aalajangersimasumik suliniutini ilaatigut pilersaarutip siunnersuutigaa, Ejnar Mikkelsenip eqqaassutissaata eqqaatigut pissutsit pitsaanerusut pilersinneqassasut Qinngaaivanilu

neriffiusinnaasunik pingaartumillu pisuinnarnut appakaaffissanik pilersitsisoqassasoq taamaalilluni illoqarfimmi angalaneq ajornannginnerulissammat.

Taassuma saniatigut annikitsut arlallit issivinnik pilersitsinermit qimmilivinnut erngup aqputaanik pilersitsinermit siunnersuutigineqarput.

Aningaasatigut sulisoqarnikkullu naliliinerit

Tamakkiisumik pilersaarut aningaasaqarnikkut sulisoqarnikkullu sunniuteqartitsissangilaq, Ittoqqortoormiini iluarsartuussinissamut pitsanngorsaannissamullu aningaasaliisoqartariaqarneranik taakkartuiffiulluni.

Inatsisitigut tunngavissaq allakkallu tunngaviusumik uppersaataitallit

- Pilersaarusioreq aamma nunaminertat atorpeqartarnerat pillugit Inatsisartut inatsisissaat nr. 17, 17. november 2010-imeersoq
- Kommunitumut pilersaarut digitaliusoq www.sermersooq2028.gl

Ingerlariaqqinnissaq

Siunnersuut sapaatip-akunnerini arfinilinni tamanut tusarniaassutigineqassaaq, tamannalu Ittoqqortoormiini allagarsiuussinikkut kiisalu kommunip tusarniaanermut nittartartagaatigut saqqummiunneqassaaq.

Aningaasaqarnermut Allatseqarfimmit oqaaseqaatit

2021-mut missingersuutitut isumaqatigiisummi Ittoqqortoormiini tamakkiisumik pilersaarusiortoqarnissaanik kissaateqartoqaqqammersoq oqaaseqaatigineqarpoq. Tamakkiisumik pilersaarusioreq 2021-p ingerlanerani pissaaq, tamakkiisumillu pilersaarusiornermut aningaasat Pilersaarusiornermut Oqartussa qarfiup missingersuutaanit pissarsiarineqassapput.

Ittoqqortoormiinit tamakkiisumik pilersaarut naammassippat sanaartornermut immikkoortartaqarfimmit Ittoqqortoormiini Najukkami Ataatsimiititaliamut suliniutissanik pilersaarusiornermik missingersuusiornermullu ikiuttoqassaaq.

Innuttaasunik peqataatitsineq/attaveqaqatigiinneq

Ittoqqortoormiini Najukkami Ataatsimiititaliaq suleqatigalugu tamakkiisumik pilersaarut suliarineqarpoq, innuttaasunik ataatsimiititsinermilu qulequttanik pissarsiarineqartunik imaqarluni. Pilersaarut najukkami ataatsimiititaliamut tamanut tusarniaanermut atatillugu toqqaannartumik nassiunneqassaaq.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq

Ilanngussat

1. Ittoqqortoormiit pillugit tamakkiisumik pilersaarut

Punkt 05E: Kommunimut pilersaarummut tapiliusseq 3A3-8 Ammassat, Nuuk

Beslutning

Inassuteqaat akuersissutigineqarpoq.

Bilag

Tusarniaanermut akissutininik suliaqarneq

Tusarniaanermit akissutit

Kommunimut pilersaarummut tapiliusseq, 3A3-8 Ammassat, Nuuk

Kommunimut pilersaarummut tapiliusseq 3A3-8 Ammassat, Nuuk

Inaarutaasumik akuerineqarnera

Aalajangiiffigisassaq

J.nr.: ANL-2020-00017

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sumiiffimmut Ammassannut kommunimut pilersaarummut tapiliusseq, immikkoortup ilaani 3A3-mi Paarnani inissiaqarfik immikkuualuttoq A sap.ak. 8-ni tamanut tusarniutigineqarnikuuvoq.

Tusarniummut akissutit 11-t tiguneqarput, ataaserlu tusarniummut akissuteqarnissamut piffissaliusseq qaangiutereersoq tiguneqarluni. Taakku annikitsunik oqaasertaatigut taamaallaat aaqqiissuteqartitsipput. Aaqqiissutigineqartuni annerpaaq tassaalluni nutaanik quiliorfissatut sanaartorfissat pilersaarummit peerneqarnerat. Allannguutit tamarmik ilanngussami 1-imi allassimapput.

Kommunimut pilersaarutikkut naqqup ilua, qaliarpaaq, quilu atorunnaarnerisigut inissiamik allilerisoqarsinnaanera periarfissaalissaaq, sanaartorfissiallu iluani inissiat ataasiakkaat illup isuiniittut allilerneqarsinnaassallutik. Tamatuma saniatigut aneersuartarfiit naatsiiviillu allilerneqarnissaanut aalajangersakkat oqaasertalersorneqarput. Taakku tamarmik tamakkiisumik naliliineq tunngavigalugu suliarineqarput, matumani immikkoortumut tamakkiisumut pilersaarut isikkuilu ataqqineqarlutillu attatiinnarneqassapput.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 3A3-8 Ammassat, Nuuk akuersissutigineqassasoq
- kommunimut pilersaarummut tapiliusseq 3A3-8 Ammassat, Nuuk, Aningaasaqarnermut Inuussutissarsionermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Kommunimut pilersaarummut tapiliussami immikkoortoq Ammassat, immikkoortup ilaani 3A3 Ineqarfik Paarnaniittoq pineqarpoq.

Immikkoortup ilaa 3A3 Nuup avannamut kitaaniippoq, Kangillinnguit ilaaniippoq, tamaanilu illoqarfimmi atuuffinnik arlalinnik neqerooruteqarpoq pinngortitamut illoqarfimmullu qanittuulluni, ineqarfissatullu pilerigineqartuulluni.

Kommunimut pilersaarummut tapiliusseq suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaalilluni ineqarfissatut pilerigineqartuaannarniassammat. Tassunga atatillugu ingerlatsivik inissiaqarfimmi

sanaartorfigineqanngitsortaa pillugu, pitsaaqutaalu pillugu tamakkiisumik nalilersuivoq, aammalu inissiat qanoq ilillutik allilerneqarsinnaanersut siunissamullu qulakkeerneqarsinnaanersut, tamakkulu tamarmik sumiiffimmi illuliortaaseq immikkullu ilisarnaatai atatinneqarlutik.

Kommunimut pilersaarummut tapiliussaq imaattunik siunertaqarpoq:

- inissiat pioreersut allilerfissaqarnissaannut periarfissiinissaq, taamaasilluni immikkoortoq tamanna siunissamut qulakkeerneqarniassammat.
- immikkoortup pitsaaqutai sumiiffimmi illuliortaaseq attatiinneqassasut nukittorsarneqarlutillu - matumani oqinnerusumik illuliortaaseqarneq, annertussuseq, qaliat sivingasut, illut saqqai nallersuuttut, qalipaati atortullu.
- eqiterinissamut najoqqutassamut tunngavissaliortoqassasoq, silamilu nunaminertanut tunngasunik aalajangersaasoqassasoq, matumani quinik nutaanik sanaartorneq, aneerasaartarfinnik alliliineq naatsiivilersuinerlu.

Kommunimut pilersaarutikkut naqqup ilua, qaliarpaaq, qilu atorunnaarnerisigut inissiamik allilerisoqarsinnaanera periarfissaalissaaq, sanaartorfissiallu iluani inissiat ataasiakkaat illup isuiniittut allilerneqarsinnaassallutik. Tamatuma saniatigut aneersuortarfiit naatsiiviillu allilerneqarnissaanut aalajangersakkat oqaasertalersorneqarput. Taakku tamarmik tamakkiisumik naliliineq tunngavigalugu suliarineqarput, matumani immikkoortumut tamakkiisumut pilersaarut isikkuilu ataqqineqarlutillu attatiinneqassapput.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup kommunimut pilersaarutit ilassuteqaatit siunnersuummi immikkoortup suli orniginartutut ineriartortinneqarnissaa qulakkeerneqartoq nalilerpaa, kiisalu illuliortaaseq immikkuullarissaq tamakkiisorlu attatiinneqassasoq. Ingerlatsiviup nalilerpaa kommunimut pilersaarummut tapiliussatut siunnersuut atorlugu illoqarfiup pitsaasumik ineriartortinneqarnissaa Illuliortaatsikkut politikimi akuerisat malillugit aammalu kommunimut pilersaarut Sermersooq2028 naapertorlugu pissasoq.

Aningaasatigut sulisoqarnikkullu naliliinerit

Kommunimut pilersaarummut tapiliussaq namminermigut aningaasatigut kinguneqartitsissanngilaq.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussap inaarutaasumik akuersissutigineqarnerata kingorna pilersaarummi malittarisassat taaneqartut malillugit sumiiffik ineriartortinneqassaaq.

Aningaasaqarnermut Allatseqarfimmit oqaaseqaatit

Pingaarteqanngilaq.

Innuttaasunik peqataatitsineq/attaveqaqatigiinneq

Kommunimut pilersaarummut tapiliusseq siunnersuutitut sapaatip-akunnerini arfineq-pingasuni tamanut tusarniaassutigineqarpoq, piffissami novembarip ulluisa 18-anniit januaarip ulluisa 13-ata 2021-p tungaanut.

Piffissami tusarniaaffiusumi tusarniummut akissutit 11-t tiguneqarput, ataaserlu tusarniummut akissuteqarnissamut piffissaliusseq qaangiutereersoq tiguneqarluni. Taakku annikitsunik oqaasertaatigut taamaallaat aaqqiissuteqartitsipput.

Kommunimut pilersaarummut tapiliusseq inaarutaasumik akuersissutigineqartoq tamanut saqqummiunneqassaaq kommunimut pilersaarummut nittartakkami uani www.sermersooq2028.gl

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Siusinnerusukkut aalajangerit

Sanarfinermut Avatangiisinullu Ataatsimiititap oktobarip 26-anni 2020-mi aalajangiinera:
Inassuteqaat akuersissutigineqarpoq.

Aningaasaqarnermut Inuusutissarsiornermullu Ataatsimiititap aalajangernera ulloq 12. november 2020-meersoq:

Inassuteqaat akuersissutigineqarpoq.

Kommunalbestyrelsip aalajangernera novembarip 24-anni 2020-meersoq:

Inassuteqaat akuersissutigineqarpoq.

Ilanngussat

1. Tusarniaanermut akissutinik suliaqarneq
2. Tusarniaanermit akissutit
3. Kommunimut pilersaarummut tapiliusseq, 3A3-8 Ammassat, Nuuk

Punkt 05F: Kommunimut pilersaarummut tapiliusseq: 2B2-5, inuussutissarsiteqarfik Qeqertat

Beslutning

Inassuteqaat akuersissutigineqarpoq.

Bilag

Tusarniaassummut akissuteqaatinik takkuttunik suliarinnineq

Tusarniaanermi akissutit

Kommunimut pilersaarummut tapiliussasatut 2B2-5, Inuussutissarsiteqarfik Qeqertat, Nuuk

Kommunimut pilersaarummut tapiliusaaq: 2B2-5, inuussutissarsiuqarfik Qeqertat

Inaarutaasumik akuersissutiginninneq

Aalajangiiffigisassaaq

J.nr.: ANL-2020-00011

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut 2B2-5. Ilanngullugu sissami nunniornikkut nunamut atasussamik naammattumik nunaminertaqarnissaa qulakkeerneqassaaq. Taama iliornikkut ilaatigut tankeqarfiup pioreersup allilernissaanut periarfissaqalissaaq.

Ilanngullugu imarivaa aaqjissuussinermi oqaasertaasut allanngortinnissaat, aalajangersagartaanik sakkortusaataasumik.

Piffissami tusarniaaffiusumi tusarniaanermut akissutit 5-t tiguneqarput, taakkualu allannguuteqartitsinissamut tunngavissiiingillat.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliusaaq 2B2-5, inuussutissarsiuqarfik Qeqertat, Nuuk, suleriaqqinnissarlu akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliamik saqqummiussineq

Kommuneqarfik Sermersuup Illoqarfiit pingaarnersaat pillugu periusissiap Kommunalbestyrelsimut akuersissutigineqarneratigut ilaatigut Nuummi inuussutissarsiuqarfik pitsanngorsaaviginissaat periarfissaannillu siuarsaaviginissaat aallutarineqarpoq. Matumani inuussutissarsiuqarfik "*nunani tamalaani, nunatsinni illoqarfimmilu suliffeqarfinnut pilerinarsarlugu*" ineriartortissavarput.

Pilersaarut pioreersoq tunngavigalugu Kommunimut pilersaarummut ilassutissatut matumuuna suliarineqarpoq makkuninnga allannguuteqartillugu:

Annertussuseq immikkuualuttuni A aamma C allanngortinneqassaaq, tankeqarfiup toqqavianut nunamut atasortaa pioreersoq 3.600 m² miss. allilerneratigut. Tankeqarfiup pioreersup sissaata kujataatungaata nunniorneratigut tamanna pissaaq.

Immikkuualuttoq B allilernerqassaaq (avannamut kangiatungaani immikkuualuttoq A annikillineratigut), immerlugu 15.000 m² miss sissaaq immerneratigut taannalu talittarfeqarfimmut atatillugu atorneqarsinnaavoq.

Immikkuualuttoq nutaaq pilersinneqassaaq, *immikkuualuttoq E*, immerneqareeriparpat inuussutissarsiuqarfik siunertalinnut, quersuaqarnermut allanulluunniit inaalitsivittut talittarfiup eqqaaniittariaqartunut atorneqarsinnaasoq. Immikkuualuttoq E sanaartorfiussaguni qummut 15 m portunerussanngilaq.

Immikkuualuttut atorneqarnerat ataasiakkaani allaaserineqassaaq:

Immikkuualuttoq A talittarfeqarnermut siunertaqassaaq.

Immikkuualuttut B, C & D talittarfeqarnermik inuussutissarsiornermut atugassanngortinneqassapput

Immikkuualuttoq E quersuaqarfittut allanulluunniit inaalitsivittut talittarfeqarfiup eqqaaniittariaqartunut siunertalinnut atugassanngortinneqassaaq.

Sanaartorfissanik nutaanik pilersitsisoqassaaq, atorineqassappatalu arlaqartut immerneqaaqartariaqarput.

Aaqqiissutissatut siunnersuut – suliatigut naliliineq

Immikkuualuttoq 2B2 pilersikkiartuaarnera pivog kommunalbestyrelsip takorluugaatut inuussutissarsiorfittut immiut atasumik mittarfeqarfimmit kujammut Qeqertat / Fyrø tungaanut. Kommunimut pilersaarummut ilassutissatut, Qeqertat inuussutissarsiornerup tungaatigut pitsaasumik ineriartortinneqarneranut, inuussutissarsiornerup piorsarneqarnissaanut pissusissamisoortumik alloriarnissap tullianut ilapittuutaanissaa ingerlatsivimmit nalilerneqarpoq. Kommunimut pilersaarummut ilassutit pioreersut Sikuki Nuuk Harbour sumiiffimmi atortorissaaruteqarnikkut sanaartorfissaliornikkullu pilersitsiffigereerpai aamma matuma immap / sissap nunniorneratigut nunaminertat nunamut atasut annertusitissavai taamaalilluni nutaanik sanaartorfissaqalissaaq.

Aningaasatigut sulisoqarnikkullu naliliinerit

Oqaaseqaateqanngilaq.

Inatsitigut tunngavissaq allakkallu tunngaviusumik uppermarsaatitallit

- Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Maanna atuuppoq kommunimut pilersaarummut tapiliussaq 2B2-5 kommunimut pilersaarut 2B2-4 atorunnaarsinneqarpoq

Aningaasaqarnermut Allatseqarfimmit oqaaseqaatit

Ikke relevant.

Innuttaasunik peqataatitsineq/attaveqaaqatigiinneq

Pilersaarummut tapiliussatut siunnersuut sapaatip-akunnerini arfineq-pingasuni tamanut tusarniaassutigineqarpoq, piffissami 16 septembarimiit – 11 novembarip tungaanut.

Ingerlatsivinnit allaniit oqaaseqaatigineqartut

Oqaaseqaateqartitsisoqanngilaq.

Ilanngussat

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit
3. Kommunimut pilersaarummut tapiliussasatut 2B2-5, Inuussutissarsiuqarfik Qeqertat, Nuuk

Punkt 05G: Angallannermut pilersaarutissatut siunnersuut, immikkoortoq 1: Pisuinnaat aamma cykkilertut, Nuuk

Beslutning

Inassuteqaat akuersissutigineqarpoq.

Bilag

Angallannermut immikkoortumut pilersaarutissatut siunnersuut, imm. 1: Pisuinnarnut aamma cykkilertunut

Pilersaarusionermut siunnersuisartumit suliaq (Via Trafik)

Angallanermut pilersaarutissatut siunnersuut, immikkoortoq 1: Pisuinnaat aamma cykkilertut, Nuuk

Aalajangiiffigisassaq

J.nr.: PRJ-2020-00021

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Matumani Angallanermut pilersaarutissatut siunnersuut, immikkoortoq 1: Pisuinnaat cykkilertullu, Nuuk, angallanermi isumannaatsuunissaat ingerlaffigiuminartumiitinneqarnissaallu qitiutinneqarpoq. Immikkoortumut pilersaarutissatut siunnersuummi siusinnerusukkut angallanermut pilersaarusiarieneqartoq killiffissiorneqarpoq, taannalu tunngavigalugu suliniutigineqartussat ingerlanneqarput.

Angallanermi ingerlaarfiit ajornartorsiutaasinnaasut aamma sumiiffiit kiisalu Nuummi ajutoorfiusinnaasut nassuiarneqarput. Sumiiffinni aqquuserngit aalajangersimasut pisuinnarnut cykkilertunullu aqqutit pitsaanerusemik isumannaallisaavigineqarnissaannut taanna aaqqiissutissanut siunnersuuteqarfiussaaq.

Aaqqiissutissatut siunnersuutit sanaartornermi pingaarnersiukkatut inissinneqarput.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- siunnersuut Angallanermut pilersaarutit akuerineqassasoq, immikkoortoq 1: Pisuinnaat cykkilertullu, Nuuk,
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Immikkoortumut pilersaarut siunissaq ungasinnerusoq pillugu pilersaarutaavoq, ilaatigut Nuummi innuttaasut pisuinnaat cykelertullu atugaannik pitsanngorsaansamik qulakkeerinnittussaq.

Pilersaarut una pilersaarutinit katillugit pingasuusunit siulliuvoq, taanna Nuummi angallanermut ataatsimut takutitsisuuvoq, ajornartorsiutaasunik misissueqqissaarnermik aamma piffissap ingerlanerani naleqquttumik aaqqiissutissatut siunnersuutaasumik.

Immikkoortut immikkoortillugit politikikkut suliassanngorlugit ingerlateqqinneqarput, taamaattorli ataatsimut pilersaarusiornermi kapitalinut tulleriarinnegartutut isigineqarput.

Immikkoortumut pilersaarutissatut siunnersuut pisuinnaat isumannaatsuunissaat ingerlaffigiuminartukkoornissaannillu ataatsimut takorluukkanik nassuiaasuvoq.

Siusinnerusukkut angallanermut pilersaarusiaq killiffissiorneqarpoq, angallanermilu ingerlaarfiit ajornartorsiutaasut aamma Nuummi sumiiffinnut nassuiarneqarput. Illoqarfimmi

ajutoorfiusinnaasunik takutitsinermut peqatigitillugu pilersaarusiornissamat tunngaviliisuussaaq.

Immikkoortumut pilersaarut una aaqqiissutissatut siunnersuutitaqarpoq arlalinnik, taannalu aqqusinernik isumannaannerulersitsissaaq aamma taakkunani paarlallutik ingerlaarfiusunik:

- Siunnersuutigineqarpoq Nerngallaaniit kaajallattarfiup eqqaaniit Sipisaq Kangilliup tungaanut aqqusineq annertunerulersinneqassasoq. Pisuinnaat cykkilertullu aqputaat aqqusernup illuatigoortup silinnerulersinneratigut imaluunniit aqquserngit illugiissillugit illuunnaanut ingerlaarfinngortinnerisigut.

Taakkua saniatigut immikkoortumut pilersaarummi suliniuteqartoqassasoq immikkorluinnaq imatut ittumik:

- Nerngallaani, Qernertunnguani aamma Sipisaq Kangillermi kaajallattariani aqqusineeraliorneq.
- Aqqusinersuakut pisuinnarnut aqqusineeqqat cykelertunullu aqputit pitsanngorsarneri.
- Aqqusinersuarmiit Sanamut Aqputip tungaanut aqqusineeraqarnissaq.
- H. J. Rinksvejimi, Sipisaq Kangillermi aamma Quassunnguami nutaamik kaajallattarialiorneq.
- Illoqarfimmi angallavigiuminarsaaneq eqqarsaatigalugu tamat tummeraannik nalilersuineq sanaartornerlu.

Aaqqiissutissat tamarmik sanaartornermut missingersuuteqartinneqarput.

Aaqqiissutissatut siunnersuut – suliatigut naliliineq

Nuummi ajutoorfioratarsinnaasut ullumikkut atuuttut tunngavigalugit, ajutooratarnissat annikillisarniarlugit aaqqiissutissatut siunnersuutinik arlalinnik suliaqartoqarpoq. Aaqqiissutissatut siunnersuutit najoqqutaralugit attaveqarnerup pioreersup immikkoortukkuutaartumik sanaartorfiunissaanik siunertaqarput. Suliffeqarfik siunnersuisartooq taannaavoq aaqqiissutissanik siunnersuusiortoq, taannalu illoqarfimmi suliassanik tigummisareerpoq najukkamilu pissutsit ilisimaarilluarlugit kommunimilu ingerlaneq ilanngullugu.

Aningaasatigut sulisoqarnikkullu naliliinerit

Angallannermut immikkoortumut pilersaarutissap suliarineqarneratigut - immikkoortoq 1: Aqquserngit aamma aqqusineeqqat, Nuuk, aningaasatigut kinguneqarnaviangilaq.

Inatsisitigut tunngavissaq allakkallu tunngaviusumik uppernarsaatitallit

- Pilersaarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarut una pilersaarutinit katillugit pingasuusunit siulliuvoq, taanna Nuummi angallannermut ataatsimut takutitsisuuvoq, ajornartorsiutaasunik misissueqqissaarnermik aamma piffissap ingerlanerani naleqquttumik aaqqiissutissatut siunnersuutaasumik.

Immikkoortut immikkoortillugit politikikkut suliassanngorlugit ingerlateqqinneqarput, taamaattorli ataatsimut pilersaarusiornermi kapitalinut tullerriaartinneqartutut isigineqarput.

Aningaasaqarnermut Allatseqarfimmit oqaaseqaatit

Aaqqiissutissatut siunnersuutit attaveqarnerup pitsanngorsarnissaanut tunngasut, sanaartornissamut 20 mio. koruuninik aningaasaliiffiqineqartariaqarsinnaasut Angallannermi immikkoortumut pilersaarummi saqqummiunneqarput. Kommunip 2021-miit 2029-mut sanaartornermut pilersaarutaani attaveqarnermut sanaartorfissagissaanissamullu 50 mio koruunit immikkoortinneqarsimapput. Aningaasaliissutinit taakkuninnga aningaasat kommunimi attaveqaatit

pitsanngorsarneqarnissaannut allilerneqarnissaannullu atorneqarsinnaassapput. Aaqqiissutissatut siunnersuutissat toqqarneqareerpata inaarutaasumillu akuerineqareerpata erseqqinnerusumik pilersaarusiomerit missingersuusiomerillu ingerlanneqarumaarput.

Innuttaasunik peqataatitsineq/attaveqaqatigiinneq

Angallannermut pilersaarutissatut siunnersuut sapaatip-akunnerani arfineq-pingasuni tamanut tusarniaassutigineqassaaq.

Ingerlatsivinnit allaniit oqaaseqaatigineqartut

Soqanngilaq.

Ilanngussat

1. Angallannermut immikkoortumut pilersaarutissatut siunnersuut, imm. 1: Pisuinnarnut aamma cykkilertunut.
2. Pilersaarusiomerimut siunnersuisartumit suliaq (Via Trafik)

Punkt 05H: Kommunimut pilersaarut 2032

Beslutning

Inassuteqaat akuersissutigineqarpoq.

Bilag

Tusarniaassummut akissuteqaatinik takkuttunik suliarinninneq

Tusarniaanermi akissutit

Tusarniaanerup kingunerisaanik allannguutit allattorsimaffiat

<https://sermersooq.gl>

Kommunimut pilersaarut 2032

Inaarutaasumik aalajangerneq

Aalajangiiffigisassaq

J.nr.: EMN-2020-26540

Sanarfinermut Avatangiisinullu Ingerlatsivik - Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup kommunimut pilersaarut nutartigaq suliarinikuuaa, Kommuneqarfik Sermersuumut tamarmut atuuttussa, maannalu taanna sapaatip akunnerini arfineq-pingasuni tamanut tusarniaassutigineqareerpoq. Piffissami tusarniaaffiusumi tusarniaanermut akissutit 26-t tiguneqarput, taakkualu allannguuteqartitsinissamat tunngavissinngillat.

Siunnersuut kommunimut pilersaarutip atuuttup ilaannakuusumik iluarsissutitaraa, Pilersaarusiornermut periusissami P18-imi aalajangerneqartutut, aammalu kommunimut pilersaarutip ukiut sisamakkuutaarlugit nutarterneqartarnissaanut atatillugu. Kommunimut pilersaarut nutaaq qarasaasiakkut uani pissarsiarineqarsinnaavoq: <https://kp.sermersooq.gl/>

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarut 2032 suleriaqqinnissarlu akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup kommunimut pilersaarut nutartigaq suliarinikuuaa, Kommuneqarfik Sermersuumut tamarmut atuuttussa, maannalu taanna sapaatip akunnerini arfineq-pingasuni tamanut tusarniaassutigineqareerpoq. Piffissami tusarniaaffiusumi tusarniaanermut akissutit 26-t tiguneqarput, taakkunanga amerlanerit Nuummi golfertarfiup, inuusutissarsiteqarfimmut inissaqartitsinissaq siunertaralugu, nuutinneqarnissaanut akerliupput. Kisianni ingerlatsiviup ineriartortitsinissamat pilersaarutip attatiinnarneqarnissaa, tassanilu Golfklubben nunaminertamik allamik periarfissinneqassasoq innersuussutigaa.

Siunnersuut kommunimut pilersaarutip atuuttup ilaannakuusumik iluarsissutitaraa, Pilersaarusiornermut periusissami P18-imi aalajangerneqartutut, aammalu kommunimut pilersaarutip ukiut sisamakkuutaarlugit nutarterneqartarnissaanut atatillugu. Kommunimut pilersaarut nutaaq qarasaasiakkut uani pissarsiarineqarsinnaavoq: <https://kp.sermersooq.gl/> Kommunip pilersaarutaani siunnersuut nutaaq, ukiuni sisamani kingullerni kommunimut pilersaarummut tapiliussami allannguutit aqqutigalugit suliaavoq Kommunimut pilersaarutip nutarternerani arlalialunnik allannguisoqarpoq, nutarterisoqarpoq aamma immikkoortut ilaannut ilanngussisoqarpoq.

Pilersaarusiornermi toqqammavigineqartoq pioreersoq aallaavigalugu (Kommunimut pilersaarut 2028), immikkoortut ilaasa atorineqarnissaat nunaminertanillu atugassiissuteqartarnermut tunngasuni, kommunimi tamarmi assigiinnik malittarisassaqaarnissaq qulakkeerniarlugu allaqqinneqarput iluarsartuunneqarlutillu.

Kommunimut pilersaarummi immikkoortut ataasiakkaat assigiinngitsukkuutaanik allannguiffigineqarput:

- Nutarterinermut atatillugu **pingaarnertut ilutsimi** oqaaseqatigiit aaqqissorneqarput kingunerisassallu iluarsaanneqarlutik.
- Pilersaarusiornermi **tunngaviit pioreersut aallaavigalugit**, nunaminertamik atugassiinermi allaqqiisoqarpoq aaqqiisoqarlunilu inatsimmi piumasaqaatit ingerlatseriaatsillu tunngavigalugit, qulakkeerniarlugu kommunimi tamarmi nunaminertamik qinnuteqartoqartillugu sullissinermi assigiinnik malittarisassaqaarnissaq.
- **tunngaviusumik aalajangersakkat** nutaat nutartikkat, immikkoortut ilaanni tamani tamanut aalajangersakkatut atuuttussatut ilanngunneqarput, illoqarfinnut/nunaqarfinnullu aammalu nunaannarmut atuuttut.
- immikkoortut ilaanni 444-ni **aalajangersakkat pingaarnertit** sukumiisumik misissorneqarput. Aalajangersakkat suuneri najoqqutaralugit tamangajammik suliaapput - imaappoq, assigiissakkanik oqaasertalersorneqarput, assigiissakkanik malittarisassaqaarnissaq qulakkeerniarlugu, kisianni inoqarfiit kommunimilu sumiiffiit assigiinngitsut ataqqillugit.

Pilersaarutip nutarternerata nalaani aamma saqqaa ilusaalu qarasaasiakkut sukumiisumik naleqqussarneqarlunilu nutarterneqarpoq. Tamaaliornermi innuttaasunut ataasiakkaanut taamatullu sullissisumut paasisutissanik attuumassuteqartunik ujarlernermi pisariinnerulernissaa pingaarnertut siunertaalluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup kommunimut pilersaarutitut nutaatut siunnersuutip pilersaarusiornissamut, sanaartugassanik sularinnittarnermut nunaminertanillu atuinissamik qinnuteqaatit sularineqartarnerinut pitsaanerusumik nutartikkamillu toqqammavissaqaalissasoq nalilerpaa.

Pilersaarut ukiuni tulluuttuni 12-ini kommunimi naleqquttumik attanneqarsinnaasumillu ineriartortitsisoqarnissaanut iluaqutaassaaq.

Aningaasatigut sulisoqarnikkullu naliliinerit

2032-mut Kommunimut pilersaarut toqqaannartumik kommunimut tunngaviatigut aningaasartuutaassanngilaq, kommunip ingerlaavartumik pilersaarusiortarneranut ilaatinneqarmat.

Inatsisitigut tunngavissaq allakkallu tunngaviusumik uppernarsaatitallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq

Ingerlariaqqinnissaq

Kommunimut pilersaarut inaarutaasoq 2021-ip aallartinnerani politikikkut ataatsimiititanut saqqummiunneqassaaq, kingornagullu tamanut nalunaarutigineqassalluni.

Aningaasaqarnermut Allatseqarfimmit oqaaseqaatit

Kommunimut pilersaarut 2032 siuliini eqqaaneqareersutut Kommuneqarfik Sermersuumut aningaasaqarnikkut toqqaannartumik kinguneqartitsissanngilaq. Kommunimut pilersaarummi siunnersuutit takorluukkallu kommunip ukiumut missingersuusiortarneranut atatillugu sanaartugassanut aningaasaliissutaanut immikkoortukkaarlugit saqqummiunneqassapput.

Innuttaasunik peqataatsineq/attaveqatigiinneq

Pilersaarummut tapiliussatut siunnersuut sapaatip-akunnerini arfineq-pingasuni tamanut tusarniaassutigineqarpoq, piffissami 14 oktobarimiit – 9 decembarip tungaanut.

Piffissami tusarniaaffiusumi Sanarfinermut Avatangiisinullu Ingerlatsiviup qitiutinneqartumik suliallit (titartaasarfiit, inerisaasut siunnersortillu allat) aalajangersakkat allannguutaat aammalu

nittartakkap nutaamik aaqjissuunneqarnera pillugit paasissutissiiertalimmik ataatsimeeqatigisarpai.

Kommunimi ataatsimut pilersaarusiap paasilluarneqarnissaa qulakkeerniarlugu aamma ingerlatsivinnit assigiinngitsunit pisortaqatigiinniillu sammineqareerpoq.

Oqaaseqaatit allat

Oqaaseqaateqartoqanngilaq.

Ilanngussat

1. Tusarniaassummut akissuteqaatinik takkuttunik suliarinnineq
2. Tusarniaanermi akissutit
3. Tusarniaanerup kingunerisaanik allannguutit allattorsimaffiat
4. <https://sermersooq.gl>

Punkt 6: Taasariaqartut allat

Beslutning

Soqanngilaq.

Punkt 7: Lukket

Punkt 07A: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 14:44.